



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

27 Fevereiru 2014

Tribunál Distritál Suai kondena arguidu ba kazu korrupsaun pasiva ho pena prizaun tinan 1 suspende ba tinan 2 no selu kustas judisial \$ 20,00

Iha 25 Fevereiru 2014, Tribunál Distritál Suai prezide leitura akordaun hodi kondena arguidu AD nu'udar xefi aldeia ho pena prizaun tinan 1 suspende ba tinan 2 tanba provadu komete iha krime korupsaun passiva ne'ebé akontese iha 20 Maiu 2012 hasoru vítima sira EC, AC, MJ no LN, iha Distritu Suai. Tribunál mós kondena arguidu selu kustus judisial \$ 20,00.

“JMSP fiar katak desizaun ne'e refleta ba faktu sira ne'ebé produz durante julgamentu no konviksaun juizes kolektivu sira nian, no hein katak ho kondenasau ne'e bele pasa mensajem ba públiku katak se deit mak utiliza osan povu nian atu benifisia nia interesse pessoal sei hetan kondenasau tuir lei haruka,” dehan Direitór Ezekutivu JSMP, Luis de Oliveira Sampaio.

Ministériu Públiku akuza katak iha 20 Maiu 2012 arguidu utiliza osan UD\$ 320, 00 husi osan programa *“bolsa de mãe”* ne'ebé oferese husi Ministériu Solidaridade Sosial ba nia interese pesoal ne'ebé tuir loloos tenke entrega ba vítima na'in 4 ne'e.

Ministériu Públiku akuza katak antes ne'e arguidu hanesan xefe aldeia uja nia pozisaun atu hetan benifisia husi servisu ne'ebé nia halo atu fasilita foti *bolsa de mãe* ba vítima nain 4 ne'e, maibé vítima sira tenke fo osan balun ba nia.

Relasiona ho aktu ne'e, Ministériu Públiku akuza arguidu kontra artigu 292 Kódigu Penál kona-ba korupsaun pasiva ne'ebe nia moldura pena husi tinan 3 to'o 15.

Iha tribunál arguidu deklara katak nia intrega no selu fali osan ne'ebe nia uja bazeia ba akordu ne'ebé mak parte sira (arguidu ho vítima sira) halo ona katak arguidu prantu hodi selu osan sira ne'e iha fulan ida (1) nia laran. Iha fatin hanesan vítima sira mos deklara katak arguidu selu ona sira nia osan.

Iha alegasaun finál, Ministériu Públiku husu ba tribunál atu kondena arguidu ho pena suspensaun tanba arguidu komete duni krime ne'e.

Defeza husu ba tribunál atu fo pena suspensaun ne'ebé kman'an ba arguidu tanba arguidu konfesa loloos faktu sira ne'ebé akuza ba nia.

Hafoin rona tiha alegasaun husi parte sira, tribunál konklui no kondena arguidu ho pena prizaun tinan 1 maibe suspende ba tinan 2 inklui selu kustu judisiáriu \$20.

Julgamentu akordaun ne'e prejide husi representante juis kolektivu, Dr. Alvaro Maria Freitas, Ministériu Públiku representa husi Dra. Benvinda da Costa Rosario no arguidu hetan defeza husi Dr. Manuel Amaral husi Defensória Públiku.

Atuhetaninformasaunkle'an favor kontaktu direitamente:

Luis de Oliveira Sampaio

DiretórEzekutivu JSMP

Diresaune-mail: luis@jsmp.minihub.org

info@jsmp.minihub.org

telefone: 3323883/77295795

webiste: www.jsmp.tl

facebookwww.facebook.com/timorleste.jsmp

twitter: @JSMPTl